



Broj: 01-05-758-7/10

Fojnica: 05.08.2010. godine

Na osnovu člana 118. Statuta općine Fojnica i Zaključka o dostavljenim preporukama Komisije za društvene djelatnosti od 20.07.2010. godine, Općinsko vijeće Fojnica, godine, na sjednici održanoj dana, 05.08.2010. godine donosi:

PRAVILNIK o raspodjeli sredstava namijenjenih kulturi

Član 1.

Ovim Pravilnikom reguliše se podjela sredstava koja su namijenjena programima i projektima iz oblasti kulture a predviđena budžetom općine Fojnica i iz drugih izvora ako su namijenjeni kulturi u cjelini.

Član 2.

Pravilnikom se regulišu korisnici finansijskih sredstava, kriterij raspodjele, dokumentacije, izvještavanje, sankcije i završne odredbe.

KORISNICI FINANSIJSKIH SREDSTAVA

Član 3.

Učesnici u raspodjeli sredstava po ovom Pravilniku imaju udruženja građana, fondacije i kulturno-umjetnička društva, pojedinci, umjetnici i kulturni stvaraoci koji djeluju i rade na području općine Fojnica. Učesnici u procesu prijavljivanja za sredstva namijenjena kulturi dužni su uz zahtjev priložiti dokumente o zadovoljenju općih i posebnih kriterija propisanih ovim Pravilnikom.

Član 4.

Opći kriteriji

- rješenje o registraciji
- identifikacijski broj, za pravnu osobu i broj transakcionog računa u banci
- matični broj za pojedinca i broj računa otvorenog u banci
- godišnji program i finansijski plan
- prijedlog projekta – programa, sa specifikacijom troškova, koji se kandidira za dodjelu sredstava
- izvještaj korisnika o utrošku sredstava dobivenih za prethodnu godinu
- ovi kriteriji se prvenstveno odnose na ustanove, udruge ili pojedince koji imaju sjedište na području općine Fojnica ili implementiraju projekat na općini Fojnica

Posebni kriteriji

- ravnomjerna zastupljenost svih oblasti kulturnog i umjetničkog stvaralaštva
- masovnost (broj aktivnih članova)
- kvalitet kandidiranih projekata
- stupanj doprinosa afirmiranju kulture i tradicije općine Fojnica
- uspjesi na međunarodnom i državnom planu
- afirmiranje stvaralaštva mladeži te stručno osposobljavanje i obrazovanje kadrova za pozive u oblasti kulture
- afirmiranje i zaštita kulturno-povijesnog i prirodnog naslijeđa
- afirmiranje kulturnog turizma
- kulturološka istraživanja
- dugogodišnji rad u pojedinoj oblasti (tradicija)

Član 5.

Spisak korisnika finansijskih sredstava za narednu godinu utvrđuje Komisija za društvene djelatnosti u skladu sa budžetskim kalendarom. Javni poziv se upućuje najkasnije do 15.08 tekuće godine za sredstva iz budžeta za narednu godinu. Javni poziv upućuje općinska Služba za opću upravu i društvene djelatnosti..

Spisak odabranih korisnika Komisija za društvene djelatnosti dostavlja općinskom Načelniku najkasnije do 30.09. tekuće godine, prije izrade nacrtu budžeta. Javni poziv mora sadržati navedene opće i posebne kriterije.

I KRITERIJI I ELEMENTI RASPODJELE

Član 6.

Sva raspoloživa finansijska sredstva namijenjene kulturi dijele se u omjeru:

- | | |
|--|-----|
| - udruženja građana, fondacije, kulturna i kulturno umjetnička društva | 70% |
| - pojedinci, umjetnici i kulturni stvaraoci | 20% |
| - rezervni fond i neplanirane obaveze | 10% |

POJEDINAČNA RASPODJELA I NAMJENA SREDSTAVA

Član 7.

Finansijska sredstva namijenjena za kulturu dijele se:

- | | |
|----------------------------------|-----|
| - fiksni dio | 90% |
| - varijabilni (stimulativni) dio | 10% |

Član 8.

Po osnovu fiksne namjene za kulturu korisnici dobijaju iznose utvrđene u članu 3. ovog Pravilnika.

Član 9.

Stimulativni dio se dobiva na osnovu slijedećih parametara:

- a) stupanj doprinosa bosanskohercegovačkoj kulturi i tradiciji,
- b) uspjesi na općinskom, kantonalnom i državnom nivou,
- c) afirmacija i prezentacija kulturno historijskog naslijeđa Bi H na međunarodnom planu.

Član 10.

Obračun i raspodjela finansijskih sredstava za kulturu vrši se prema dinamici finansijskog plana odobrenog programa/projekta iz budžeta općine Fojnica u skladu sa Odlukom o izvršenju Budžeta općine Fojnica.

1. BROJ ČLANOVA

Član 11.

Organizacija iz kulture na osnovu parametara članstva ostvaruju poene kako slijedi:

- za članove sekcije starije od 18 godina (10 poena)
- za članove sekcije mlađe od 18 godina (20 poena)
- za svakog pomažućeg člana (5 poena)

Za ostvarivanje poena po ovom parametru organizacije iz kulture donose na uvid Komisiji za društvene djelatnosti dokaze o uredno plaćenju članarini za koje su doznačena sredstva.

2. ZNAČAJ MANIFESTACIJE I UČEŠĆE

Član 12.

Kulturne organizacije na osnovu parametara značaja i učešća manifestacije ostvaruju poene kako slijedi:

- za manifestaciji na općinskom nivou (100 poena)
- za manifestaciju na kantonalnom nivou (200 poena)
- za manifestaciju na federalnom nivou (300 poena)
- za manifestaciju na Državnom nivou (400 poena)
- za manifestaciju na međunarodnom nivou (500 poena)

Za ostvarivanje ovog prava kulturne organizacije su obavezne da dostave poziv i izjavu organizatora iz koga se vidi značaj manifestacije.

3. INTERES GRAĐANA –PUBLIKE

Član 13.

Kulturne organizacije i udruženja na osnovu interesa publike ostvaruju poene kako slijedi:

- za samu kulturnu manifestaciju - priredbu preko 100 gledalaca na otvorenom prostoru (10 poena)
- za svaku započetu manifestaciju – priredbu u sali na zatvorenom prostoru preko 100 gledalaca (20 poena)

Po ovom osnovu udruženja mogu maksimalno ostvariti 100 poena.

4. PRIPADNOST KULTURNOM NASLIJEĐU I STVARALAŠTVU OPĆINE FOJNICA

Član 14.

Sva udruženja iz oblasti kulture, pojedinci, umjetnici i kulturni stvaraoci koji se bave aktivnošću iz oblasti kulture od posebnog interesa za općinu Fojnica broj poena se uvećava za 10%.

Komisija za društvene djelatnosti utvrđuje konačnu liste iz člana 13. stav 1. koji imaju taj tretman.

5. RAZNI FONDOVI I NEPLANIRANE OBAVEZE

Član 15.

Sredstva iz člana 6. stav 3. namijenjena su za:

- manifestacije kulturnog sadržaja na nivou općine od posebnog interesa za općinu Fojnica,
- za međunarodno učešće na kulturnim manifestacijama,
- za nagrade iz oblasti kulture: pojedincima i organizacijama,
- za druge namjene iz oblasti kulture koje se nisu mogle planirati, a Komisija ocijeni da treba uzeti učešće u participaciji.

Član 16.

O ispunjavanju uslova za učešće u raspodjeli sredstava udruženja, pojedinci dostavljaju svu potrebnu dokumentaciju Komisiji za društvene djelatnosti.

II DOKUMENTACIJA I IZVJEŠTAVANJE

Član 17.

Sve kulturne organizacije i pojedinci su dužni dostaviti dokumentaciju usklađenu sa javnim pozivom.

Član 18.

Kulturne organizacije i pojedinci koji ne dostave podatke u zakonskom roku neće moći učestvovati u raspodjeli sredstava iz člana 6. ovog Pravilnika.

Član 19.

Korisnici sredstava za kulturu su dužni pravdati utrošena sredstva kvartalno usklađenim sa finansijskim planovima programa/projekta.

Kontrolu utroška sredstva iz stava 1. vrši Komisija za budžet, finansije i ekonomska pitanja.

KAZNENE ODREDBE

Član 20.

Kulturne organizacije i pojedinci koji u svojim izvještajima ne dostave matične podatke dužne su izvršiti povrat sredstava ili u idućem polugodištu neće moći biti obuhvaćeni raspodjelom.

III PRELAZNE ODREDBE

Član 21.

Doznaka sredstava vršit će se prema dinamici utvrđenoj Odlukom o izvršenju budžeta općine Fojnica.

Član 22.

O eventualnim prigovorima vezanim za raspodjelu sredstava odlučuje Komisija za prigovore, predstavke i prijedloge Općinskog vijeća.

Prigovori se dostavljaju Komisiji za prigovore, predstavke i prijedloge putem Komisije za društvene djelatnosti

Član 23.

Komisija može dogovorom sa kulturnim organizacijama i pojedincima vršiti odabir programa/projekata i raspodjelu sredstava i na drugi sukladan način i posebnom odlukom Komisije iz sredstava rezerve koja su predviđena ovim Pravilnikom.

Član 24.

Odluke Komisije su punovažne ako od ukupnog broja članova, glasa za odluku više od polovine članova Komisije.

Član 25.

Ovaj Pravilnik stupa na snagu danom donošenja i bit će objavljen u „Službenim novinama Općine Fojnica“.



**PREDSJEDNIK
OPĆINSKOG VIJEĆA FOJNICA**

N. Vinko

Protuđer Vinko, graf. ing.